

Эркакларга хос кийиниш одблари



18:00 / 30.05.2021 11760

Балоғатта етган мусулмон әркак учун авратини түсадиган кийим кийиши фарздир.

«Аврат» сүзи луғатда «нуқсон», «айб» деган маңноларни билдиради. Шариатда, беркитилиши вожиб ва унга назар солиш ҳаром бўлган жойлар авратдир.

Аллоҳ таоло Аъроф сурасида марҳамат қиласиди:

«Ҳар бир ибодатда зийнатингизни олинг» (31-оят).

Яъни «Кийимингизни кийинг, авратингизни тўсинг».

Әркак кишининг аврати киндиги остидан то икки тиззасининг остигачадир. Эркак киши баданидаги ўша аврат жойини түсадиган кийим кийиши фарздир.

Мусулмон әркакка ипак кийим кийиш ва тилла тақиши ҳаромдир.

Али розияллоҳу анҳудан ривоят қилинади:

«Аллоҳнинг Набийси ипакни олиб, ўнг қўллари ила тутдилар, тиллани олиб, чап қўллари ила тутдилар, сўнгра:

«Албатта, мана бу иккиси умматимнинг эркаклари учун ҳаромдир», дедилар».

«Сунан» эгалари ривоят қилганлар.

Исломда эркак кишига ипак кийимларни кийиш ман этилгани улкан ҳикмат боисидандир. Ипак юмшоқ ва нозик нарса бўлиб, у билан муомалада бўлган шахсдан юмшоқлик ва нозикликни талаб қиласди. Бинобарин, ипак кийим кийишга ўрганган шахс юмшоқ ва нозик бўлиб қолади. Бу эса ҳақиқий эркак кишига мутлақо тўғри келмайди. Мусулмон эркак доимо турли оғирликларни кўтаришга шай турадиган, нозиклик ва зеб-зийнатни ўзига эп кўрмайдиган забардаст, ҳайбатли кишидир. Шу боисдан ҳам шариат аёлларга хос қилган ва нозиклик ҳамда зеб-зийнат рамзи бўлган ипак мусулмон эркак учун ҳаром қилинган.

Мусулмон эркакларга тилла ва кумушнинг ҳаром қилиниши ҳикмати «овқатланиш одоблари»да айтиб ўтилди.

Мусулмон эркак кумуш узук тақиши жоиз.

Эркак киши битта кумуш узук тақиши мумкинлигига қуйидаги ҳадиси шариф далилларидир.

Анас розияллоҳу анҳудан ривоят қилинади:

«Набий соллаллоҳу алайҳи васаллам кумушдан узук тутдилар ва унга «Муҳаммадун Расулуллоҳ» деб нақш қилдилар».

Бухорий, Муслим, Абу Довуд, Термизий ва Насаий ривоят қилганлар.

Пайғамбар алайҳиссаломнинг номсиз бармоққа узук таққанлари маълум ва машҳур. Шунинг учун узук тақишини истаган эркак кишилар ушбу суннатга амал қилсалар, яхши бўлади.

Эркаклар аёллар кийимини кийишлари ва уларга ўхшашга уринишлари мумкин эмас.

Ибн Аббос розияллоҳу анҳумодан ривоят қилинади:

«Набий соллаллоҳу алайҳи васаллам хотинчалиш эркакларни ва эркаксифат аёлларни лаънатладилар».

Бухорий, Абу Довуд, Термизий, Насаий ривоят қилганлар.

Бу бобдаги эркакларнинг аёлларга ўхшашга уриниши юриш-туришда, гап-сўзда ва кийимда бўлади.

Шайх Муҳаммад Содик Муҳаммад Юсуф

(иҷтимоий одоблар китобидан)